

富順縣志



富順縣志卷之二

署知縣金壇段玉裁纂輯

山川下

雒水

一名釜川以其盤繞縣治有若釜形故名發源自灌

口離堆分流過濛陽下廣漢合金鴈水奔流三皇潭經簡  
州資中出內江龍門鎮入富順界南流過觀音金子灘神  
井戰灘至縣城東門紆縈向西經神龜山聖燈山轉東爲  
青山峽石灰溪又東爲趙化鎮過虎頭城又東爲巖槽經  
懷德鎮大磨東入瀘州界會大江

知縣金壇段玉裁中水攷上蜀之中水今自漢州歷金  
堂簡資內江富順至瀘州入於嶠江之水也嶠江自重  
慶府上敘州嘉定二府爲外水涪江自合州上遂寧潼  
縣爲內水中水介其間故曰中水庾仲雍曰江州縣對  
二水口右則涪內水左則蜀外水酈道元水經注曰緜  
水至江陽縣方山下入江謂之中水晉書曰劉裕伐蜀  
從外水取成都從中水取廣漢從內水取黃虎皆中水  
之名見於傳記者中水之源有三曰湔曰緜曰洛漢書  
地理志曰蜀郡緜虎縣玉壘山湔水所出東南至江陽



入江繇虜縣者今保縣是也江陽縣者今富順縣瀘州  
是也地里志又曰廣漢郡雒縣章山雒水所出南至新  
都谷入湔縣竹縣紫巖山繇水所出東至新都北入雒  
雒縣者今漢州是也繇竹縣者今繇竹縣是也今茂州  
牛心山之水東南合什邡縣繇竹縣德陽縣新都縣漢  
州諸水逕金堂縣簡州資陽縣資州內江縣富順縣至  
瀘州入江左太冲所謂浸以縣雒常道將所謂郫繇膏  
腴縣洛浸沃者咸在是金堂縣及簡州在漢晉爲牛鞞  
縣地資陽縣資州內江縣在漢晉爲資中縣地其水隨

地易名在新都曰新都江華陽國志曰牛鞞縣受新都  
江是也在金堂簡州曰牛鞞江華陽國志曰資中縣受  
牛鞞江水經注曰洛水又逕犍爲牛鞞縣爲牛鞞水是  
也在資州內江曰資江沈約宋書曰資江爲中水涪江  
爲內水是也漢志曰湍水入江常氏酈氏曰洛水入江  
說各互異以下流互受通稱也元和志謂之中江北周  
中江縣在今內江縣地隋諱忠之嫌改內江而宋時又  
於潼川置中江縣矣至若或謂之沱江則以嶠江自灌  
縣分流而達於漢州之洛水合於尙書東別爲沱也或



稱沈犀河犀牛河則援引李冰故事名之也在今富順縣者自龍門鎮入縣界一百二十里至縣治之南又屈曲一百三十里至大磨子入瀘州界

中水攷下水經注江水篇言洛水源流於洛水逕洛縣故城南逕新都縣逕犍爲牛鞞縣又東逕資中縣之下曰又逕漢安縣謂之緜水也於洛水至江陽縣方山下入江江陽縣枕帶雙流據江洛會之下曰江水逕漢安縣北攷漢安故縣在今江安縣在嶠江之南洛水安得越江陽絕嶠江而逕漢安縣且酈氏上文旣云洛水逕

新都縣繇湍二水俱與洛會不得歷牛鞞資中兩大縣而  
又氏以縣水且漢安縣在江陽縣上游不得於江陽據江  
洛會之後言江水逕漢安縣等討其文蓋不學者不能推求  
文義覈徵地形見有可疑妄為竄改耳今為攷定其次弟而  
注之

水經江水篇曰又東過江陽縣南洛水從三危山過廣

魏作水經者蓋魏人故廣漢郡之洛縣也洛縣廣漢郡之洛縣也南東

南注之注曰洛水出洛縣漳山漢書地理志曰廣漢郡有章山雒水所出

今本水經注作漳山誤也漢之雒縣在今漢州亦言出梓潼縣柏山此酈氏廣載異聞也



漢梓潼縣在今梓潼縣

山海經曰三危在燉煌南與嶠山相接山

南帶黑水又山海經不言洛水所道經曰出三危山所

未詳玉裁按山海經中山經曰嶠山之首曰女凡之山洛水出焉東流注於江酈氏云不言洛水所道誤

矣女几蓋卽玉壘音相近也漢志云湔出玉壘入江以湔爲經流山海經以洛爲經流水經三危亦卽玉壘三

爲玉之譌形之誤危爲壘之譌聲之誤亦以洛爲經流蜀都賦注曰玉壘山在成都西北岷山郡界今保縣玉

壘山是也或常璩云李冰導洛通山水流發暴口洛通言在灌縣非

在今什邡縣蓋卽漢志之章山也華陽國志蜀志曰李冰又導洛通山洛水或出瀑口經什邡郫別江會新都

大逕什邡縣漢高帝六年封雍齒爲侯國王莽更名曰

美信縣也漢之什邡縣在今什邡縣史記漢書作什方說文解字作什邡洛水又南逕

洛縣故城南

云洛縣故城者當酈氏時洛縣城非作經時故處故經曰廣漢洛縣南注曰洛縣故

城南

廣漢郡治也

華陽國志蜀志曰雒縣廣漢郡治也

漢高祖之為漢王

也發巴渝之士北定三秦六年乃分巴蜀置廣漢郡於

棗鄉王莽之就都縣曰廣信也

漢地里志曰廣漢郡莽曰就都洛縣莽曰吾洛

廣漢縣莽曰廣信酈氏廣信二字當作吾雒

漢安帝永初二年移治涪城

謂移

郡治於涪縣也漢之涪縣在今綿州

後移

依華陽國志補此字洛縣先是洛縣城南

每陰雨常有哭聲聞於府中積數十年沛國陳寵為守

以亂世多死亡暴骸不葬故也乃悉收葬之哭聲遂絕

陳寵字昭公事本東觀漢記

劉備自將攻蜀龐士元中流矢死於此



益州舊以蜀郡廣漢犍為為三蜀

言此三郡為三蜀也今本犍為下脫一為

字土地沃美人士雋又為一州稱望縣有沈鄉

疑即上文之桑

鄉桑沈古音相近後漢書郡國志曰廣漢有沈水華陽國志蜀志作汎鄉序志又言汎鄉侯何武

去江

七里姜士游之所居

華陽國志曰有孝子姜詩田地序志曰孝子江陽符長姜詩字士游

今水經注作江上游誤

士游名詩

四字原本闕

詩至孝母好飲江水嗜

魚膾常以鷄鳴瀆流汲江子坐又水溺死

此句有譌字

婦恐

姑知稱其游學

姜詩妻事見後漢書列女傳其子後因遠汲溺死妻恐姑哀傷不敢言而託以

行學今本水經注曰稱詩游學是詩溺死矣豈得謂至孝上通且又何以拜郎中除江陽令且婦人可隱子死

而不可隱夫死且使詩子之孝湮沒一字之譌而害義殊甚今從范書正其文曰其子又因遠汲溺死婦恐姑



知稱其游學 冬夏衣服實投江流於是至孝上通洞泉出其

舍側而有江之甘焉詩有田濱江澤當作鹵泉流所漑

盡為沃野又涌泉之中且且常出鯉魚一雙以膳焉可

謂孝悌發於方寸徽美著於無窮也洛水又南逕新都

縣漢新都縣在今新都縣蜀有三都謂成都廣都此其一焉語本華陽

國志與縣水合水西出縣竹縣漢縣竹縣在今縣竹縣地

巖山縣水所出紫巖山在今縣北三十里縣水出焉謂之縣堰口東南九十里抵羅江西德陽東界蜀都賦注

亦曰縣水出縣竹縣在紫巖山又與湍水合亦謂之郫

華陽國志曰縣水出紫巖山江也玉裁按地里志蜀郡縣虎縣玉壘山湍水所出東南至江陽入江過郡三行千八百九十里漢縣廐

縣在今保縣過郡三者蜀郡廣漢犍爲也華陽國志蜀志曰縣虎縣有玉壘山出璧玉湍水所出酈氏篇首注

云江水逕汶江道又有湍水入焉水出縣虎道之玉壘山下注江故此不言湍水所出矣江水合湍水於縣虎

縣東別爲沱歷都安縣李冰作大堰於此謂之湍壩堰其右檢其左其正流遂東謂之郫江也又言是

洛水此郫江湍水洛水會合之地宋本又言是涪水今本又言是洛水皆有譌脫呂忱曰一

曰湍此句亦有譌脫當即前注所引然疑此字此二水謂

水湍俱與洛會矣洛水又逕犍爲牛鞞縣爲牛鞞水上文

什邡雒縣新都皆屬廣漢郡此下牛鞞資中江陽皆屬犍爲郡漢牛鞞縣在今簡州洛水在新都縣曰新都江

在牛鞞縣曰牛鞞江皆見常璩蜀志而李志又曰李壽許自牛鞞以東土斷與閬是以此水分界爲洛水之通

稱不獨在牛鞞縣稱牛鞞水也今本脫四字作又昔羅逕犍爲牛鞞水文理不備從四川志所引補正



尙乘牛鞞水東征李雄謂此水也縣以漢武帝元封二

年置謂牛鞞縣也華陽國志又東逕資中縣漢資中縣在今資陽

縣又逕江陽縣此五字補○今洛水由內江縣流入富順縣北逕縣治之南西流二十里至鎮

溪口納榮溪水屈而東流百三十里入直隸瀘州界自上諸縣咸以漑灌故語曰

縣洛爲浸沃也浸今本譌爲沒字自上諸縣之上今本缺又逕江陽縣五字誤衍又逕漢安縣

謂之縣水也十字漢安縣在江南今江安縣納溪縣也資中縣今資陽縣資州內江縣也江陽縣今富順縣直

隸瀘州也皆在江北資中與江陽南北接連其中絕無漢安縣地華陽國志曰縣水入洛東流過資中會江陽

自水經注傳寫譌誤四川通志乃以今內江縣爲古漢安縣其誤蓋本於此一本譌作安漢縣安漢縣在巴郡

更非其地矣華陽國志曰蜀人稱郫縣曰膏腴縣洛爲浸沃蜀都賦注曰益州之有縣維猶揚州之有五湖故



曰浸以江自夔道東逕漢安縣北自夔道東四字從

經注補正俗本誤以江水逕安漢縣北七字為經接于

漢安縣北者遠承江水逕夔道縣合若水淹水符里水

而言也漢安縣前漢志作漢陽縣後漢志作漢安縣在

今江安縣俗本誤又與緜水合水出漢安縣西三源合

流謂之緜水也東北流徑其縣北入江謂之緜水口此

十四字參攷補缺○緜水有三源者即今敘州長寧縣

之清溪方輿勝覽曰東溪發源白崖山又有西溪發源

越王山流與桃源溪合桃源溪亦名冷水溪發源筆架

山三溪至清井合流名清溪亦名三江口又東北至武

流曰縣水在江安縣唐置羈縻清州五代置清井鎮宋初置清井監遺址皆在長寧晉孝武立縣水縣宋以漢安縣水二令屬東江陽太守隋書曰縣水縣唐瀘州有縣水縣遺址皆在江安隋書曰縣水縣有縣溪舊唐志曰當縣水入江之口因各縣水縣然則此縣水北流入江非出縣竹縣紫巖山合洛水南流入江之縣水也水經注原本蓋當如今所正自昧者合兩縣水為一妄為改竄文義遂不可通矣○經文又過江陽縣南之上曰又東過犍道縣北若水淹水合從西來注之又東清溪水北流注之漢犍道縣今宜賓南溪二縣地清溪水即清溪縣水也今大江逕南溪縣治南數十里入江安縣界安寧橋河北流入江犍道而下江陽而上北流入江惟此水耳酈氏注曰清溪水未之聞也按酈氏未審縣水即清水下流故於漢安縣言縣水入江於清溪水曰未之聞不知經云犍道又東舍漢安之縣水口無他水以當之今本水經注注內譌為渚水未之聞經文譌為注水北流注之往時東原先生校經文改從注文渚字今皆定為清字渚者清之譌形之誤也注又渚之譌聲之



也誤縣謂漢安土地雖迫山川特美好宜蠶桑鹽井魚池

家有焉今本不可讀此從華陽國志補正江陽郡治也故犍為岐江都

尉治此字補建安十八年劉璋立漢書地里志曰犍為郡漢陽縣枝江都尉治今

本漢書脫枝江二字華陽國志曰江陽郡本犍為枝江都尉建安十八年劉璋立江陽郡以都尉成存為太守

蓋以都尉治為郡治故即以都尉為太守也三國蜀志法正子邈官至漢陽太守蓋郡治在前漢漢陽縣地故

江陽太守亦稱漢陽太守晉時移郡治於江陽故常璩曰江陽縣郡治○自江水徑漢安縣北至此今本移子

安之操之下今攷四川舊志引水經注曰江水自犍道東經漢安縣北又東經江陽縣南洛水注之又東經樊

口灘又經大附灘頻歷二險又東至符江水又東逕江縣於地形不誤知舊志所見乃古本也

陽縣南漢江陽縣在今直隸瀘州此九字從四川舊志補與洛水合此四字今補洛